

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), dhe duke vepruar sipas njoftimit të përqendrimit të parashtruar nga MND a.s. (MND a.s.), me seli në Uprkova 807/6, Hodonin (Úprkova 807/6, Hodonín,) kodi postar 69501 Republika Çeke, përmes personit të autorizuar Tatjana Popovski Buloski, avokate nga Shoqëria e Avokatëve Popovski dhe Partnerëve nga Shkupi, në seancën e mbajtur më datë 24.10.2023, mori këtë

AKTVENDIM

Vërtetohet se përqendrimi me anë të cilit MND a.s. (MND a.s.), me seli në Uprkova 807/6, Hodonin (Úprkova 807/6, Hodonín,) kodi postar 69501 Republika Çeke, synon të fitoj kontrollin e plotë mbi Moravia Gas Storage a.s. (Moravia Gas Storage a.s), me seli në Uprkova 807/6, Hodonín, (Úprkova 807/6, Hodonín) kodi postar 69501 Republika Çeke, duke regjistruar aksione të reja, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit për përqendrim obligohet që për njoftimin për përqendrim të paguaj taksë administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksa administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje të nenit 15 të Ligjit për mbrojtjen e konkurrencës, më 09.10.2023, ndërsa e plotësuar më 17.10.2023, te Komisioni për Mbrojtjen e Konkurrencës (në tekstin e mëtejshëm: Komisioni) u dorëzua një njoftim për përqendrim nga MND a.s. (MND a.s.), me seli në Uprkova 807/6, Hodonin (Úprkova 807/6, Hodonín,) kodi postar 69501 Republika Çeke, me anë të cilit MNS a.s. synon të fitoj kontrollin e plotë mbi Moravia Gas Storage a.s. (Moravia Gas Storage a.s), me seli në Uprkova 807/6, Hodonín, (Úprkova 807/6, Hodonín) kodi postar 69501 Republika Çeke, duke regjistruar aksione të reja.

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

Aktivitetet themelore të biznesit të ndërmarrjeve të përfshira:

Parashtruesi MND a.s. është pjesë e Grupit MND të kompanive që i përkasin Grupit KKCG. Grupi KKCG investon në fusha të ndryshme biznesi, duke përfshirë lotaritë dhe lojërat e fatit, energjinë, pasuritë e paluajtshme dhe teknologjitë e informacionit dhe është aktiv në 36 vende të botës.

Grupi MND, ndër të tjera, është aktive në fushat e mëposhtme: furnizimi me gaz dhe energji elektrike për klientët me pakicë (B2B dhe B2C), tregtimin e gazit, energjisë elektrike dhe mallrave të tjera, kërkimin dhe prodhimin e naftës dhe gazit dhe depozitimin e gazit natyror. I njëjti nuk është e pranishëm dhe nuk ka aktivitete biznesi në Republikën e Maqedonisë së Veriut.

Në Republikën e Maqedonisë së Veriut, Grupi KKCG është i pranishëm në treg për operim me terminale video lotarie dhe teknologji informatike përmes shoqërive të mëposhtme:

- Shoqëria për organizimin e lojërave të fatit KASINOS AUSTRIA INTERNATIONAL MACEDONIJA SHPK Shkup, me seli në bul. Kiro Gligorov nr.2. Shkup, me aktivitet prioritar - lojërat e fatit dhe basteve;
- Shoqëria për organizimin e lojërave të fatit Video Lotaria Shtetërore e Republikës së Maqedonisë - KASINOS AUSTRIA SHPK Shkup, me seli në bul. Kiro Gligorov nr.2 Shkup, me aktivitet prioritar - lojërat e fatit dhe basteve;
- Kinshift SHPKNJP Shkup, (më parë quhej SEAVUS DOOEL) me seli në rrugën 11 Tetori nr. 33A Shkup, me aktivitet prioritar-programim kompjuterik; dhe
- Qendra edukative dhe zhvillimore Seavus SHPKnjp Shkup, me seli në rrugën 11 Tetor nr.33A Shkup, me aktivitet prioritar - arsim tjetër i pa përmendur diku tjetër;
- Shoqëria për prodhim, tregti dhe shërbime Musala Soft shpknpj Shkup me seli në rr. Filip Vtori Makedonski nr.3/kat4-zyra nr.4003, Shkup, me aktivitet prioritar - programim kompjuterik.

Aktiviteti kryesor i Moravia Gas Storage a.s. është operimi i rezervuarit nëntokësor të gazit në Republikën Çeke, i ndërtuar në fushën e naftës pjesërisht të prodhuar në Damborice (Dambořice). Moravia Gas Storage a.s. ofron shërbime për depozitimin e gazit me licencë energjetike.

Moravia Gas Storage a.s. nuk është e pranishme ligjërish dhe nuk ka veprimtari afariste në Republikën e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrahet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски